

HEBDOMADA I PSALTERII

DOMINICA

AD I VESPERAS

Antiphona I

VIII g 

D Omi-ne, * clamá-vi ad te, ex-áudi me. E u o u a e.

PSALMUS 140

IN PERICULIS ORATIO


*Et ascendit fumus incensorum de orationibus sanctirum de manu angeli
coram Deo (Ap 8, 4).*

- 1 Domine, clamávi ad te, ad me festína ; *
inténde voci meæ, cum clamo ad te.
- 2 Dirigátur orátio mea sicut incénsum in conspéctu tuo, *
elevátio mánuum meárum ut sacrificium vespertínium.
- 3 Pone, Dómine, custódiam ori meo *
et vigíliam ad óstium labiórurn meórum.
- 4 Non declínes cor meum in verbum malítiæ *
ad machinándas machinatiónes in impietáte
cum homínibus operántibus iniquitátem ; *
et non cómedam ex delíciis eórum.
- 5 Percútiat me iustus in misericórdia et increpet me ; †
óleum autem peccatóris non impínguet caput meum, *
quóniam adhuc et orátio mea in malítiis eórum.
- 6 Deiécti in manus duras iúdicum eórum, *
áudient verba mea, quóniam suávia erant.

- 7 Sicut frusta dolántis et dirumpéntis in terra, *
dissipáta sunt ossa eórum ad fauces inférni.
- 8 Quia ad te, Dómine, Dómine, óculi mei ; *
ad te confúgi, non effúndas ánimam meam.
- 9 Custódi me a láqueo, quem statuérunt mihi, *
et a scándalis operántium iniquitátem.
- Gloria Patri, et Filio *
et Spiritui Sancto.
- Sicut erat in principio, et nunc et semper, *
et in sǎcula sǎculorum. Amen.


Hic versus Gloria Patri de more cantatur in fine omnium psalmorum et canticorum, nisi aliter notatur. In fine psalmi repetitur antiphona, et sic fiat in fine omnium psalmorum et canticorum.

Antiphona 2



P

Orti- o me- a, Dómi-ne, * sit in terra vi-vénti- um.



E u o u a e.

PSALMUS 141

TU ES REFUGIUM MEUM


Hæc omnia in Domino tempore passionis impleta sunt (S. Hilarius).

- 2 Voce mea ad Dóminum clamo, *
voce mea ad Dóminum déprecor ;
- 3 effúndo in conspéctu eius lamentatióem meam, *
et tribulatióem meam ante ipsum pronúntio.

- 4 Cum déficit in me spíritus meus, *
tu nosti sémitas meas.
In via, qua ambulábam, *
abscondérunt láqueum mihi.
- 5 Considerábam ad déxteram et vidébam, *
et non erat qui cognósceret me.
Péruit fuga a me, *
et non est qui requírat ánimam meam.
- 6 Clamávi ad te, Dómine ; †
dixi : « Tu es refúgium meum, *
pórtio mea in terra vivéntium.
- 7 Inténde ad deprecationem meam, *
quia humiliátus sum nimis.
Líbera me a persecuéntibus me, *
quia confortáti sunt super me.
- 8 Educ de custódia ánimam meam *
ad confiténdum nómini tuo ;
me circúmdabunt iusti, *
cum retribuéris mihi ».

Antiphona 3

VIII g



Nonne sic * opórtu- it pa-ti Christum, et intrá-
re in gló-ri- am su- am ? alle-lú-ia. E u o u a e.

CANTICUM Phil 2, 6-11

DE CHRISTO, SERVO DEI

- 6 Christus Iesus, cum in forma Dei esset, *
 non rapínam arbitrátus est esse se æquálem Deo,
 7 sed semetípsum exinanívit formam servi accípiens, *
 in similitúdinem hóminum factus;
 et hábitu invéntus ut homo, †
 8 humiliávit semetípsum factus obcædiens usque ad mortem, *
 mortem autem crucis.
 9 Propter quod et Deus illum exaltávit †
 et donávit illi nomen, *
 quod est super omne nomen,
 10 ut in nómine Iesu omne genu flectátur *
 cæléstium et terréstrium et infernórum
 11 et omnis lingua confiteátur: *
 « Dóminus Iesus Christus! », in glóriam Dei Patris.

Responsorium breve

Q Uam magni-fi-cá-ta sunt * Ope-ra tu- a, Dó-
 mi-ne. ʘ. Omni- a in sa-pi- énti- a fe- cís-ti. ʘ. Gló-ri-
 a Patri, et Fí-li- o, et Spi-rí-tu- i Sancto.

AD INVITATORIUM

Antiphona

E

V E-ní- te, exsul-té-mus Dó- mi-no. Ps. Iu-
 bi-lémus etc.

AD OFFICIUM LECTIONIS

Antiphona I

IV e

S E-cus de-cúrsus aquá-rum, * plantá-vit ví-ne- am
 iustó-rum : et in le-ge Dómi-ni fu- it vo-lúntas e- ó-rum.
 E u o u a e.

PSALMUS I

DE DUABUS HOMINUM VIIS

Beati qui, spreantes in crucem, in aquam descenderunt (Ex auctore quodam II seculi).

¹ Beátus vir, qui non ábiit in consílio impiórum †

- et in via peccatórum non stetit *
 et in convéntu derisórum non sedit,
 2 sed in lege Dómini volúntas eius, *
 et in lege eius meditátur die ac nocte.
 3 Et erit tamquam lignum plantátum secus decúrsus aquárum, *
 quod fructum suum dabit in témpore suo ;
 et fólium eius non défluet, *
 et ómnia, quæcúmque fáciat, prosperabúntur.
 4 Non sic ímpii, non sic, *
 sed tamquam pulvis, quem próicit ventus.
 5 Ideo non consúrgent ímpii in iudício, *
 neque peccatóres in concílio iustórum.
 6 Quóniam novit Dóminus viam iustórum, *
 et iter impiórum períbit.

Antiphona 2

VIII g

S Erví-te * Dómi-no in timó-re, et exsultá-te
 e- i cum tremó-re. E u o u a e.

PSALMUS 2

MESSIAS REX ET VICTOR

*Convenerunt vere adversus puerum tuum Iesum, quem unxisti
 (Act 4, 27).*

- 1 Quare fremuérunt gentes, *
 et pópuli meditáti sunt inánia?

- 2 Astitérunt reges terræ, †
et príncipes convenérunt in unum *
advérsus Dóminum et advérsus christum eius :
- 3 « Dirumpámus víncula eórum *
et proiciámus a nobis iugum ipsórum! ».
- 4 Qui hábitat in cælis, irridébit eos, *
Dóminus subsannábit eos.
- 5 Tunc loquétur ad eos in ira sua *
et in furóre suo conturbábit eos :
- 6 « Ego autem constítui regem meum *
super Sion, montem sanctum meum! ».
- 7 Prædicábo decretum eius. †
Dóminus dixit ad me : « Filius meus es tu ; *
ego hódie génui te.
- 8 Póstula a me, et dabo tibi gentes hereditátem tuam *
et possessiónem tuam términos terræ.
- 9 Reges eos in virga férrea *
et tamquam vas fíguli confrínges eos ».
- 10 Et nunc, reges, intelligíte ; *
erudímini, qui iudicátis terram.
- 11 Servíte Dómino in timóre *
et exsultáte ei cum tremóre.
- 12 Apprehéndite disciplínam, †
ne quándo irascátur, et pereátis de via, *
cum exárserit in brevi ira eius.
- Beáti omnes, *
qui confídunt in eo.

Antiphona 3

I g
D Omi- nus * de- fén- sor vi- tæ me- æ.
 E u o u a e.

PSALMUS 3

DOMINUS PROTECTOR MEUS


*Dormivit et somnum cepit et resurrexit, quoniam Dominus suscepit eum
 (S. Irenæus).*

- 2 Domine, quid multiplicati sunt, qui tribulant me? *
 Multi insurgunt adversum me,
- 3 multi dicunt animæ meæ : *
 « Non est salus ipsi in Deo ».
- 4 Tu autem, Domine, protector meus es, *
 gloria mea et exaltans caput meum.
- 5 Voce mea ad Dominum clamavi, *
 et exaudivit me de monte sancto suo.
- 6 Ego obdormivi et soporatus sum, *
 exurrexi, quia Dominus suscepit me.
- 7 Non timebo milia populi circumdantis me. *
 Exsurge, Domine salvum me fac, Deus meus ;
- 8 quoniam tu percussisti in maxillam omnes adversantes mihi, *
 dentes peccatorum contrivisti.
- 9 Domini est salus, *
 et super populum tuum benedictio tua.

AD LAUDES MATUTINAS

Antiphona I

VII a



A D te de lu-ce * ví-gi-lo, De- us, ut ví-de-
am virtú-tem tu-am. E u o u a e.

PSALMUS 62

ANIMA DOMINUM SITIENS

Ad Deum vigilat, qui opera noctis reicit.

- 2 Deus, Deus meus es tu, *
ad te de luce vígilo.
Sítívit in te ánima mea, *
te desiderávit caro mea.
In terra desérta et árida et inaquósa, †
- 3 sic in sancto appáruí tibi, *
ut vidérem virtútem tuam et glóriam tuam.
- 4 Quóniam mélior est misericórdia tua super vitas, *
lábia mea laudábunt te.
- 5 Sic benedícam te in vita mea *
et in nómine tuo levábo manus meas.
- 6 Sicut ádipe et pinguédine repleátur ánima mea, *
et lábiis exsultatiónis laudábit os meum.
- 7 Cum memor ero tui super stratum meum, *
in matutínis meditábor de te,

- 8 quia fuísti adiutor meus, *
et in velamento alarum tuarum exultabo.
- 9 Adhæsit anima mea post te, *
me suscipit dextera tua.

Antiphona 2

VIII g

Res pú-e-ri ius-su re-gis * in forná-cem mis-
si sunt, non timéntes flammam ignis di-céntes: Be-ne-
díc-tus De-us. E u o u a e.

CANTICUM Dn 3, 57-88. 56

OMNIS CREATURA LAUDET DOMINUM

Laudem dicite Deo nostro, omnes servi eius (Ap 19, 5).

- 57 Benedícite, ómnia ópera Dómini, Dómino, *
laudáte et superexaltáte eum in sæcula.
- 58 Benedícite, cæli, Dómino, *
59 benedícite, ángeli Dómini, Dómino.
- 60 Benedícite, aquæ omnes, quæ super cælos sunt, Dómino, *
61 benedícat omnis virtus Dómino.
- 62 Benedícite, sol et luna, Dómino, *
63 benedícite, stellæ cæli, Dómino.

- 64 Benedícite, omnis imber et ros, Dómino, *
- 65 benedícite, omnes venti, Dómino.
- 66 Benedícite, ignis et æstus, Dómino, *
- 67 benedícite, frigus et æstus, Dómino.
- 68 Benedícite, rores et pruína, Dómino, *
- 69 benedícite, gelu et frigus, Dómino.
- 70 Benedícite, glácies et nives, Dómino, *
- 71 benedícite, noctes et dies, Dómino.
- 72 Benedícite, lux et ténebræ, Dómino, *
- 73 benedícite, fúlgura et nubes, Dómino.
- 74 Benedícat terra Dóminum, *
- laudet et superexáltet eum in sæcula.
- 75 Benedícite, montes et colles, Dómino, *
- 76 benedícite, univérſa germinántia in terra, Dómino.
- 77 Benedícite, mária et flúmina, Dómino, *
- 78 benedícite, fontes, Dómino.
- 79 Benedícite, cete et ómnia quæ movéntur in aquis, Dómino, *
- 80 benedícite, omnes vólucres cæli, Dómino.
- 81 Benedícite, omnes béstiæ et pécora, Dómino, *
- 82 benedícite, filii hóminum, Dómino.
- 83 Bénedic, Israel, Dómino, *
- laudáte et superexaltáte eum in sæcula.
- 84 Benedícite, sacerdótes Dómini, Dómino, *
- 85 benedícite, servi Dómini, Dómino.
- 86 Benedícite, spíritus et ánimæ iustórum, Dómino, *
- 87 benedícite, sancti et húmiles corde, Dómino.
- 88 Benedícite, Ananía, Azaría, Míſael, Dómino, *
- laudáte et superexaltáte eum in sæcula.

Benedicámus Patrem et Fílium cum Sancto Spíritu; *
 laudémus et superexaltémus eum in sæcula.

56 Benedíctus es in firmaménto cæli *
 et laudábilis et gloriósus in sæcula.

In fine huius cantici non dicitur Gloria Patri.

Antiphona 3

VII a

B Eneplá-ci-tum est Dómi-no * in pópu-lo su- o,
 et hono-rá-bit mansu- é- tos in sa-lú-tem. E u o u a e.

PSALMUS 149

EXSULTATIO SANCTORUM

Filii Ecclesie, filii novi populi exsultent in rege suo : in Christo (Hesychius).

- 1 Cantáte Dómino cánticum novum ; *
 laus eius in ecclésia sanctórum.
- 2 Lætétur Israel in eo, qui fecit eum, *
 et filii Sion exsúltent in rege suo.
- 3 Laudent nomen eius in choro, *
 in týmpano et cíthara psallant ei,
- 4 quia beneplácitum est Dómino in pópulo suo, *
 et honorábit mansuétos in salúte.
- 5 Iúbilent sancti in glória, *
 læténtur in cubílibus suis.

- 6 Exaltationes Dei in gutture eorum *
 et gladii ancipites in manibus eorum,
 7 ad faciendam vindictam in nationibus, *
 castigationes in populis,
 8 ad alligandos reges eorum in compedibus *
 et nobiles eorum in manicis ferreis,
 9 ad faciendum in eis iudicium conscriptum : *
 gloria hæc est omnibus sanctis eius.

Responsorium breve

C Hriste, Fi-li De- i vi-vi, * Mi-se-ré- re no-
 bis. ꝑ. Qui sedes ad dexte-ram Patris. ꝑ. Gló-ri- a Pa-
 tri, et Fí-li- o, et Spi-rí-tu- i Sancto.

AD HORAM MEDIAM

Antiphona I

VIII g
B Onum est * spe-rá-re in Dó- mi-no, quam spe-
 rá-re in prin-cí-pi-bus. E u o u a e.

PSALMUS I 17

VOX IUBILATIONIS & SALUTIS

Hic est lapis, qui reprobatus est a vobis aedificatoribus, qui factus est in caput anguli (Act 4, 11).


I

- 1 Confitémini Dómino, quóniam bonus, *
quóniam in sáeculum misericórdia eius.
- 2 Dicat nunc Israel, quóniam bonus, *
quóniam in sáeculum misericórdia eius.
- 3 Dicat nunc domus Aaron, *
quóniam in sáeculum misericórdia eius.
- 4 Dicant nunc, qui timent Dóminum, *
quóniam in sáeculum misericórdia eius.
- 5 De tribulatióne invocávi Dóminum, *
et exaudivit me edúcens in latitúdinem Dóminus.
- 6 Dóminus mecum, *
non timébo, quid fáciat mihi homo.
- 7 Dóminus mecum adiútor meus, *
et ego despíciam inimícos meos.
- 8 Bonum est confúgere ad Dóminum *
quam confidere in hómine.
- 9 Bonum est confúgere ad Dóminum *
quam confidere in princípibus.

Antiphona 2

IV e 

F Orti-túdo me- a * et laus me- a Dómi-nus : et




factus est mi-hi in sa-lú-tem. E u o u a e.

II

- 10 Omnes gentes circuíerunt me, *
et in nómine Dómini excídi eos.
- 11 Circumdántes circumdedérunt me, *
et in nómine Dómini excídi eos.
- 12 Circumdedérunt me sicut apes †
et exarsérunt sicut ignis in spinis, *
et in nómine Dómini excídi eos.
- 13 Impelléntes impulérunt me, ut cáderem, *
et Dóminus adiúvit me.
- 14 Fortitúdo mea et laus mea Dóminus *
et factus est mihi in salútem.
- 15 Vox iubilatiónis et salútis *
in tabernáculis iustórum :
« Déxtera Dómini fecit virtútem! †
- 16 Déxtera Dómini exaltávit me ; *
délixtera Dómini fecit virtútem! ».
- 17 Non móriar, sed vivam *
et narrábo ópera Dómini.
- 18 Castígans castigávit me Dóminus *
et morti non trádidit me.

Antiphona 3



A

-pe-rí-te mi-hi * portas iustí-ti-æ, et ingrés-



sus in e- as confi- té-bor Dómi-no. E u o u a e.

III

- 19 Aperíte mihi portas iustítia, *
ingréssus in eas confitébor Dómino.
- 20 Hæc porta Dómini ; *
iusti intrábunt in eam.
- 21 Confitébor tibi, quóniam exaudísti me *
et factus es mihi in salútem.
- 22 Lápídem quem reprobavérunt ædificántes, *
hic factus est in caput ánguli ;
- 23 a Dómino factum est istud *
et est mirábile in óculis nostris.
- 24 Hæc est dies, quam fecit Dóminus : *
exultémus et lætémur in ea.
- 25 O Dómine, salvum me fac ; *
o Dómine, da prosperitátem!
- 26 Benedíctus, qui venit in nómine Dómini. *
Benedícimus vobis de domo Dómini.
- 27 Deus Dóminus et illúxit nobis. *
Instrúite sollemnitétem in ramis condénsis
usque ad cónua altáris.
- 28 Deus meus es tu, et confitébor tibi, *
Deus meus, et exaltábo te.
- 29 Confitémini Dómino, quóniam bonus, *
quóniam in sáeculum misericórdia eius.

AD II VESPERAS

Antiphona I

VII c2

D I-xit Dómi-nus * Dó-mi-no me- o: Sede a dextris

me- is. E u o u a e.

Que non repetitur in psalmo.

PSALMUS 109


MESSIAS REX & SACERDOS

*Oportet illum regnare, donec ponat omnes inimicos sub pedibus eius
(1 Cor 15, 25).*

- 1 Dixit Dóminus Dómino meo : *
«Sede a dextris meis,
donec ponam inimicos tuos *
scabéllum pedum tuórum ».
- 2 Vírgam poténtiæ tuæ emíttet Dóminus ex Sion : *
domináre in médio inimicórum tuórum.
- 3 Tecum principátus in die virtútis tuæ, †
in splendóribus sanctis, *
ex útero ante lucíferum génuí te.
- 4 Iurávit Dóminus et non pænitébit eum : *
« Tu es sacérdos in ætérnum
secúndum órđinem Melchisedech ».
- 5 Dóminus a dextris tuis, *
conquassábit in die iræ suæ reges.

- 7 De torrén-te in via bibet, *
proptérea exaltábit caput.

Antiphona 2

per. 

D E-us autem noster * in cæ-lo : ómni- a quæcúm-
que vó-lu- it, fé-cit. E u o u a e.

PSALMUS I 13 A

ISRAEL EX ÆGYPTO LIBERATUR

*Cognoscite etiam vos exiisse ab Ægypto, qui huic seculo renuntiastis
(S. Augustinus).*

- 1 In éxitu Israel de Ægypto, *
domus Iacob de pópulo bárbaro,
- 2 factus est Iuda sanctuárium eius, *
Israel potéstas eius.
- 3 Mare vidit et fugit, *
Iordánis convérsus est retrórsus ;
- 4 montes saltavérunt ut arietes, *
et colles sicut agni óvium.
- 5 Quid est tibi, mare, quod fugísti? *
Et tu, Iordánis, quia convérsus es retrórsus?
- 6 Montes, quod saltástis sicut arietes, *
et colles, sicut agni óvium?
- 7 A fácie Dómini contremísce, terra, *
a fácie Dei Iacob,

8 qui convértit petram in stagna aquárum *
et sílicem in fontes aquárum.

CANTICUM Cf. Ap 19, 1-2. 5-7

DE NUPTIIS AGNI

VI


S A-lus et gló-ri- a et virtus De-o nostro, *℞. Alle-lú-*
ia. ʘ. Qui- a ve-ra et iusta iu-dí-ci- a e-ius, ℞. Al-le- lú-ia,
alle-lú- ia. ʘ. Laudem dí-ci-te De-o nostro, omnes servi
e-ius, ℞. Alle-lú-ia. ʘ. Et qui timé-tis e-um, pu-síl-li et ma-
gni, ℞. Alle- lú-ia, alle-lú-ia. ʘ. Quó-ni- am regna-vit Dómi-
nus, De-us noster omní-pot-ens, ℞. Alle-lú-ia. ʘ. Gaude- ámus
et exsultémus et demus gló-ri- am e- i, ℞. Al-le- lú-ia,



alle-lú-ia. *ŷ.* Qui- a ve-né-runt núpti-æ Agni, *℞.* Alle-lú-ia.

ŷ. Et uxor e-ius præpa-rá-vit se, *℞.* Al-le- lú-ia, alle-lú-ia.

Responsorium breve



B Ene-díctus es, Dó-mi-ne, * In firmamén- to cæ-
 li. *ŷ.* Et lau-dá-bi- lis et glo-ri- ó-sus in sæ-cu-la. *ŷ.* Gló-
 ri- a Patri, et Fí-li- o, et Spi-rí-tu- i Sancto.

FERIA SECUNDA

AD INVITATORIUM

Antiphona



VI
I Ubi-lémus De- o sa-lu-tá- ri nostro.